

## DESKRISAUN BA POZISAUN

### Ofisiál Programa Jeneru

Titulu pozisaun	<b>Ofisiál Programa Jeneru</b>
Lokalizaun	Ermera
Relata ba	<b>Ofisiál Senior Programa Jeneru</b>
Grau	<b>4 Step 1</b>
Salariu	\$619 kada fulan
Tipu pozisaun	<b>Tinan 1</b>
Data komesa/durasaun	Jullu 2023

## 1. Konaba CARE iha Timor-Leste

### 1.1 Konaba CARE

CARE hanesan organizasaun internasional ba dezvoltimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho komidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efetivu ida atu kria impaktu ba dezvoltimentu ne'ebé sustentavel.

Asegura moris di'ak no rona feto no labarik feto sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Feto sira-nia Ekonómia, Saúde no promove Feto sira-nia Lian iha sosiedade liu husi programa dezvoltimentu no umanitariu sira.

### 1.2 Konaba programa

CARE International iha Timor-Leste (CITL) implementa projetu ida ho durasaun tinan 5 ho fundus husi Departamentu Agrikultura Estados Unidos (USDA). Projetu ne'e hanaran HATUTAN (Hahán ne'ebé Atu fó Tulun ho Nutrisaun no Edukasaun), atu harii parseria entre eskola no sira-nia komidade hodi hadi'a literasia, aprendizajen, saúde no nutrisaun ba labarik no adultu sira iha munisipiu 4: Ainaro, Ermera, Manatuto no RAEOA - Oecusse. Projetu ne'e parseria ho Ministériu Edukasaun, Juventude no Desportu nomos iha kolaborasaun ho Ministériu Saúde no Ministériu Agrikultura no Pesca. Objetivu atu hametin dezempeñu skolár iha literasia, saúde no nutrisaun, serbisu hamutuk ho sistema skolár iha nivel nasional, munisipal no eskola nomos fó apoiu hodi hametin Programa Merenda Eskolar governu nian.

## 2. Knaar

### **OBJETIVU POSISAUN NE'E:**

Ofisial Projetu Jeneru: Bazeadu iha Ermera. Posisaun ne'e atu servisu apoiu ekipa tekniku iha Programa HATUTAN, mensajen Estratéjia Mudansa Hahalok No Sosiál (SBC) no treinamentu ba jestor, coordenador eskola no manorin, Asociasaun Inan-Aman no Profesór/Associação Pais e Profesores (APP), Grupo rai no impresta osan (VSLA), Grupo Agrikultor (Feto no mane), autoridade lokal nomos membru comunidade sira seluk iha asuntu saude no nutrisaun, be'e mos ho sanitasaun, agrikultura no igualidade jeneru bazeia ba CARE nia aprosimasaun transformasaun jeneru.

Knaar ida ne'e prezisa abilidade di'ak ba treinu no fasilitasaun, abilidade di'ak ba komunikasaun no halo relasionamentu di'ak ho ema seluk, abilidade di'ak ba planeamentu no organizasaun, no abilidade servisu ho pesoál eskola nomos comunidade rural sira.

Posisaun ida ne'e prezisa viajem frekuente ba fatin projetu iha munisípiu nia laran no viajen balun ba fatin servisu iha munisípiu seluk. Durante semana mak eskola sei halao aula sira, semana servisu tenke inklui Sábado hodi halao atividade iha eskola sira. Semana servisu bele muda ba Tersa too Sábado ka usa tempu kompensatoriu.

### **KNAAR PRINSIPAL:**

#### **Implementasaun, Treinu no Aplika Aprendizajem:**

- Asisti no apoio Ofisial senior programa jeneru implementa programa estratéjia jeneru no dezenvolve planu asaun
- Fó apoiu iha dezenvolve Estratéjia Mudansa Hahalok No Sosiál (SBC) no jeneru iha nutrisaun, saude, be'e mos, ijene, no sanitasaun, agrikultura no prevensaun violensia bazeia ba jeneru iha eskola no comunidade.
- Hamutuk ho Ofisial senior programa jeneru nian, apoio ekipa edukasaun iha implementa atividade treinamentu ba iha eskola sira. Servisu hamutuk ho ekipa edukasaun iha Munisípiu iha mentoría ba iha eskola sira. Responde ba dezafiu no aprende lisaun hamutuk tuir nesiedade eskola ida-idak ninian.
- Servisu hamutuk ho ofisial senior programa jeneru iha halo planu asaun no sosializasaun prevensaun violensia bazeia ba jeneru iha suku sira
- Servisu hamutuk ho ekipa programa HATUTAN iha kampu foku ba envolvimentu mane no labarik mane transforma relasaun poder ne'ebe la igual no servisu hamutuk iha prevensaun violensia bazeia ba jeneru iha eskola no comunidade.
- Kolabora ho Ofisial Senior programa jeneru apoio comunidade atu usa Sistema CARE nian bolu Kartaun Valor Komunidade (*Community Score Card*). Sistema ne'e bele fó informasaun konaba desempeñu eskola nian no nivel apoiu husi comunidade sira; tratamentu nebe justu ba feto no mane no hasae feto, labarik feto no Inan sira nia lian.
- Fó apoiu ba Ofisial senior programa Jeneru fasilita Analiza asaun social no aproximasaun *Field Farmers Business School* jeneru (FFBS) ba iha grupo rai no impresta osan (VSLA)

iha comunidade estabelese padraun ba jeneru iha nutrisaun, saude, agrikultura, saneamentu no ijene, prevensaun violensia baseia ba jeneru no halo pratika beibeik no halo monitorizasaun;

- Hamutuk ho Oficial Senior Programa jeneru nian, halo mentoría ba grupo rai no impresta osan, jestór eskola no agrikultor (Feto no mane) sira konaba mudansa hahalok no konhesimentu ba jeneru iha nutrisaun, saude, planeamentu ba vida moris, no prevensaun violensia bazeia ba jeneru
- Halo mentoría ba eskola no grupu iha comunidade konaba dokumentasaun ba atividade no rezultadu mentoría nian, hodi hare progresu no identifika lakuna;
- Hamutuk ho Oficial senior programa jeneru apoiu ba jestor programa kampu HATUTAN hodi halao observasaun implementasaun programa HATUTAN relasaun ho mudansa hahalok sosial no jeneru iha Eskola no comunidade , identifika área bele hadia ninia lisaun, no fó mentoría tuir nesiedade;

#### **RESPONSABILIDADE SELUK:**

- Involve iha preparasaun emerjensia sira; assiste iha responde ba emerjensia saida deit ne'ebe persija
- Promove seguru no seguransa; haburas konsensia kultura seguru no seguransa no konsistente tuir politika seguru no seguransa CARE nian, procedimentos no diretiva sira; no
- Demonstra komitmentu igualidade jeneru, diversidade no protesauñ labarik.

### **3. Kriteria ba selesaun**

#### **Esperiência no Kualifikasaun:**

- Mínimu Diploma universiadade nian no/ka Treinu Vokásional iha estudos sosial, Jeneru no komunikasaun, Edukasaun, Jestaun, Desenvolvementu Komunitaria, Umanidade ka ekivalente nomos mínimo tinan 2-3 esperiência servisu nia mak relevante, ho preferênsia iha edukasaun ba tinan nurak *mainstreaming* jéneru nian, saúde ka desenvolvimento comunidade; esperiência uluk nia ho organizasaun naun-governmental mos fó vantajem; esperiência antes hanesan Treinador, Fasilitador ka formadór Jeneru no desenvolvimento komunitaria sira ka esperiência ho organizasaun naun-governmental mos fó vantajem;
- Bele servisu ho integridade no implementa prosedimentu no prosesu ho supervisaun ne'ebé mínimo;
- Komprensaun ne'ebé di'ak tebes konaba metodolojia partisipatóriu atu mobiliza comunidade nomos abilidade maka'as ho fasilitasaun;
- Abilidade komunikasaun ne'ebé di'ak iha lian Tetún, básiku iha lian inglês nomos abilidade koalía lian lokal ida (ka liu) hanesan Mambae, Kemak, Galoli, Baikenu, Bunak ka Tetún Terik;
- Hatudu abilidade di'ak iha treinu no fasilitasaun;
- Bele simu instrusaun no servisu hanesan parte ekipa;
- Vontade atu aprende kona ba CARE, no atividade igualidade jéneru nian no aumenta kbiit feto sira nian;



## CARE International in Timor-Leste

- Abilidade di'ak ho Microsoft Office ho koñesimentu Microsoft Word, Excel no PowerPoint, abilidade numerasia di'ak ; no
- Abilidade atu uza motorbike iha área remota ho karta kondusaun válidu fó vantajem.